

幾希錄良方合璧

元宰


題



同治八年春王月重刊

幾希錄良方合璧

姑蘇得見齋刷印



觀書略記不詳理
只似南柯中了舉
醒來還是白身人
功名全不沾我體

武帝云讀好書說

好話行好事為

好話行好事為

好人願天常生

好人願天常生

好人願天常生

好人願天常生

好心諸惡莫作

好心諸惡莫作

衆善奉行

衆善奉行

孟子云人之所以異於禽獸者幾希庶
民去之君子存之甚哉吾人立身天地
間愧然七尺五官畢具未有不願為
君子而甘為庶民者危微之介人數
之分所爭祇此毫末人欲勉為君子
則所以葆此幾希者宜何如勸勉耶

吳中向有幾希錄之刻所輯皆儒先
粹語親切指點無非示人存心處事
克己反求之要異人存此幾希勉
為君子不致以一念之差流為小人
歸誠醒世鴻寶也惜兵燹之後板片
無存嘉興張君惟善平日敬品好

義篤信是編年為圭臬者已久深
慮此書賄覓無從將就湮沒也乃
慨然倡首捐資更益以集驗良方
作為合璧謀付剞劂一時同志之士
協力玉成囑繆生啓衆任校讎之
役並索序於予予受而讀之不覺躍

並起曰有是哉大劫之餘人欲橫決
教化寢微正宜大謦疾呼發聵振
聵使人之存心幾希不致仍入於禽獸
今得張君重刊是書既以泚身其泚
世而又附以經驗名方以期普濟無非
存此一點幾希推而為人物之利知其得

力於此錄者為已久矣吾願見是書者
日置案頭事為銘佩庶危微之介人
獸之分衆人知所防檢心痛其身病
交治其為裨益豈細故耶故於其
刻之成也為述數言於簡端

同治八年仲春梁溪晦齋居士余

治謹序



幾希錄序

孟子曰人之所以異於禽獸者幾希庶民去之君子存之
存之者存其理卽存其心也經云心正而后身脩身脩而
后家齊又云自天子以至於庶人壹是皆以脩身爲本蓋
以人藏其心不可測度身則心之外著者也能脩其身必
正其心而齊治平胥由此則以幾希之存故也且存此幾
希之理莫要於明物察倫倫有五而君臣爲首食毛踐土
盡屬君恩蚩蚩之民坐享太平之福目不睹九重宮闕耕
田鑿井欲報無由但能脩身齊家於父母兄弟妻子之間
各盡其孝弟慈之道爲閭閻之良民卽不負朝廷之教養

而亦異於庶民之去幾希者夫幾希之去非其性使然也
良由自幼至壯傲惰其肢體恣縱其嗜慾家庭之內無人
責備卽朋友亦無規過之言習與性成遂牴亡其幾希之
心而人直同於禽獸悲夫於是有心世道者著爲勸善懲
惡諸說如敬信錄寶善編以及訓俗遺規脩齊輯要等書
不可枚舉誘掖獎勸剴切詳明誠可以發聾振聵矣但卷
帙繁多恐閱者易生倦心且多詞句雅飭宜於文人而不
便於流俗因將諸善書中所言脩身齊家之事擇其詞理
顯明者摘而錄之彙爲一編卽稍解句讀者無不開卷了
然倘能隨時隨事觸目警心化其積習庶倫無不察身無

不脩而此幾希之心遂長存而不去姑無論積善之家必有餘慶卽一種太和翔洽之氣洋溢門庭不亦人生之樂事哉

道光元年夏仲瑞五堂主人謹識

幾希錄目次

父母

兄弟

妻子

持身老牛歌

勸弗顧乳媪醒世格言

濟荒集說勸賑集說

勸行粥擔說勸開粥店說

恤寒章程

賑飢十二善

保嬰示

保嬰新法 溺女詩 附對

警世格言 夫婦鑑

朱夫子家訓 附對

勸修文 附對

朋友歌 醒世歌

儒釋道論

知足歌 不知足歌

父母

幾希錄

父母

太微仙君曰天下那有不孝之子卽有不孝子稱之孝則喜稱之不孝則愧此非良知不汨沒處乎充得此念便是大孝根基奈爲習心習氣所使依舊不孝也要知此習心習氣何由而成知所以自克則知所以孝矣何蒼玉曰父兮生我母兮育我人無父母身從何來方母十月懷胎擔驚受怕迨臨盆之日正是母難之時生死關頭只在頃刻幸而產下無事則又推乾就溼洗穢分甘抱不離手寢不安席至乳產旣多血氣耗敝形枯體瘠面若

雞皮背痛腰酸疾病時作念及此而母恩之當報爲何如也父當臨產之際不免同此憂驚兒甫孩提保護備至方食猶恐兒饑未寒先愁兒冷見兒聰慧則憂其不壽見兒愚鈍則憂其無知既就師傅則憂其離左右而難照管迨爲婚娶又憂其縱嗜慾而致傷生有病憂不立愈習業憂不速成卽或義方不率有不得不加之箠楚者然傷在子體實痛在父心父恩之當報爲何如也

許梅村曰世之入於不孝者其弊有由細爲挾其弊源庶足發其深省蓋不孝有小有大其小不孝之所以習成者有四一曰驕寵因父母憐愛過甚常任他性子驟而拂戾